

一切世間天人阿脩羅等聞佛所說歡喜信
受作禮而去

佛說阿彌陀經

拔一切業障根本得生淨土神呪

出小無量壽經

劉宋天竺三藏求那跋陀羅奉詔重譯

南無阿彌多婆夜哆

多切

他伽跢

都切夜哆

地

途切

三夜他阿彌利

四上聲

都婆毗五阿彌利

哆六悉耽婆毗七阿彌利哆八毗迦蘭諦九

阿彌利哆十毗迦蘭哆十一伽彌膩十二伽伽那

三枳多迦隸四叶莎婆訶五十

若有善男子善女人能誦此呪者阿彌陀佛
常住其頂日夜擁護無令怨家而得其便現
世常得安隱臨命終時任運往生

阿彌陀經不思議神力傳

隋錄未詳作者

昔長安僧叡法師慧崇僧顯慧通近至後
周實禪師景禪師西河鸞法師等數百餘
人並生西方西河綽禪師等因見鸞法師
得生淨土各率有緣專修淨土之業綽師

又撰西方記驗名安樂集流行又晉朝遠法師入廬山三十年不出乃命同志白黑有一百二十三人立誓期於西方鑿山銘願至陳天嘉年廬山珍禪師於坐時見有數百餘人共乘七寶華舫往西方珍禪師貞二遂求附載其船上人報云法師雖講得涅槃經亦大不可思議緣法師未誦得阿彌陀經及呪所以不得同去法師遂廢講業日夜專誦彌陀經及呪計應滿二萬遍未終四七日前夜向四更有神人從西方送

一白銀臺來空中明過於日告云法師壽終當乘此臺往生阿彌陀國故來相示令知定生終時白黑咸聞空中如奏音樂并聞異香數月聞香氣不歇其夜峯頂寺僧衆咸見一谷內有數十炬火大如車輪尋驗古今得生安樂世界者非一多見化佛徒衆來迎靈瑞如傳廣明不可繁錄因珍禪師於此經有驗故略述此一條以悟來詰助成往生之志拔一切業障根本得生淨土神呪者乃宋元嘉末年求那跋陀重

奉制譯合計五十九字一十五句龍樹菩薩願生安養夢感此呪耶舍三藏誦此呪天平寺鑄法師從耶舍三藏口受此呪其人云經本外國不來若欲受持呪法嚼楊枝澡豆漱口然香於佛像前胡跪合掌日夜六時各誦三七遍即滅四重^{十七}逆十惡謗方等罪悉得滅除現世所求皆得不爲惡鬼神所惑亂若數滿二十萬遍即感得菩提牙生若至三十萬遍即面見阿彌陀佛

後出阿彌陀佛偈經

後漢失譯師名

惟念法比丘	乃從世饒王	發願喻諸佛
誓二十四章	世世見諸佛	姦數無有量
不廢宿命行	功德遂具成	世界名清淨
得佛號無量	國界平夷易	豐樂多上人
寶樹若干種	羅列叢相生	本莖枝葉華
種種各異香	順風日三動	翕習如華生
墮地如手布	雜廁上普平	一切無諸山
海水及諸源	但有河水流	音響如說經